

5 мая 2026. Вторник. Прп. Феодор Сикеот.

Утренняя (приходская)

«Бог Господь»

Тропарь воскресный, глас 3

Глас 3: Да веселятся небесная,/ да радуются земная,/ яко сотвори державу/ мышцею Своею Господь,/ попрá смёртию смёрть,/ пёрвенец мёртвых бысть;/ из чрева адова избави нас,// и подаде миру велию милость. **(Дважды)**

Слава Отцú, и Сыну, и Святому Дúху.

Тропарь прп. Феодора Сикеота

Глас 2: Познан быв от пелен освящен/ и явлься благодатей исполнен,/ чудесы мир озарил еси/ и демонов множество отгнал еси,/ священнодетелю Феодоре,// темже о нас молися Господеви.

И ныне, и присно, и во веки веков. Аминь.

Глас 2: Вся паче смысла,/ вся преславная Твоя, Богородице, таинства,/ чистоте запечатанной и девству храниму,/ Мати позналася еси неложна,/ Бога рождши Истиннаго.// Того моли спастися душам нашим.

Воскресная песнь после Евангелия

Воскресение Христово видевше,/ поклонимся Святому Господу Иисусу,/ единому безгрешному./ Кресту Твоему поклоняемся, Христе,/ и святое Воскресение Твое поём и славим:/ Ты бо еси Бог наш,/ разве Тебе иного не знаем,/

5 мая 2026. Вторник. Прп. Феодор Сикеот.

имя Твое именуем./ Приидите вси вернии,/ поклонимся
Святому Христову Воскресению:/ се бо прииде крестом
радость всему миру./ Всегда благословяще Господа,/ поем
Воскресение Его:/ распятие бо претерпев, // смерть
разруши.

Канон

Песнь 1

Канон в Неделю 4-я по Пасхе, о расслабленном. Глас 3.

Ирмос, глас 3: Дивно, славно творяй чудеса./ Ты еси, Боже,
бездну оземленивый,/ и колесницы потопивый,/ и люди
спасый поющия Тебе, // яко Царю нашему и Богу.

Песнь 3

Канон в Неделю 4-я по Пасхе, о расслабленном. Глас 3.

Ирмос, глас 3: Неплодная душе и безчадная,/ стяжи плод
благославный, веселящися возопий:/ утвердихся Тобою
Богородице,/ несть свят, несть праведен, // паче Тебе Госпо-
ди.

Катавасия

Ирмос, глас 4: Утверждаяй гром и созидаяй дух,/ утверди
мене, Господи,/ да Тя пою истинно/ и творю волю Твою, //
яко несть свят, яко Ты, Боже наш.

Песнь 4

Канон в Неделю 4-я по Пасхе, о расслабленном. Глас 3.

5 мая 2026. Вторник. Прп. Феодор Сикеот.

Ирмос, глас 3: Приосененную гору,/ Аввакум прозряше пре-
чистую Твою утробу, Чистая./ Тем взываше: от юга приидет
Бог,// и Святой от горы приосененныя чащи.

Песнь 5

Канон в Неделю 4-я по Пасхе, о расслабленном. Глас 3.

Ирмос, глас 3: Светом Твоим невечерним, Христе,/ озари,
Боже, смиренную мою душу,/ и настави на страх Твой,// зане
свет повеления Твоя.

Песнь 6

Канон в Неделю 4-я по Пасхе, о расслабленном. Глас 3.

Ирмос, глас 3: Глубина страстей воста на мя,/ и буря про-
тивных ветров:/ но предварив мя Ты спаси, Спасе, и избави
от тли,// яко спасл еси от зверя пророка.

Катавасия

Ирмос, глас 4: Буря мя помышлений, постигши,/ во глубинѹ
низвлечѣт мя безмѣрных грехѣв:/ но Ты, Управителю Бла-
гѣй,// предварѣв, управѣ, яко пророка, и спасѣ мя.

Песнь 7

Канон в Неделю 4-я по Пасхе, о расслабленном. Глас 3.

Ирмос, глас 3: Пламень оросивый пещный,/ и отроки неопа-
лимы спасый,/ благословен еси во веки,// Господи Боже
отец наших.

Песнь 8

Канон в Неделю 4-я по Пасхе, о расслабленном. Глас 3.

5 мая 2026. Вторник. Прп. Феодор Сикеот.

Ирмос, глас 3: Ангельми немолчно в вышних славимаго Бога,/ небеса небес, земля и горы, и холми, и глубина,/ и весь род человеческий,/ песнями Того, яко Создателя и Избавителя// благословите и превозносите во вся веки.

Катавасия

Ирмос, глас 4: Земля и вся, яже на ней,/ море и вси источники,/ небеса небес,/ свет и тьма, мраз и зной,/ сынове человечести, священницы,/ благословите Господа// и превозносите Его во веки.

Песнь 9

Канон в Неделю 4-я по Пасхе, о расслабленном. Глас 3.

Ирмос, глас 3: На Синайстей горе виде Тя в купине Моисей,/ неопально огонь Божества заченшую во чреве:/ Даниил же Тя виде, гору несекому:/ жезл прозябший, Исаия зываше,// от корене Давидова.

Катавасия

Ирмос, глас 4: Яко сотвори Мне величия Сильный,/ и свято Имя Его,/ и милость Его// в род и род боящимся Его.

Хвалитны

Псалом 148

Чтец: Хвалите Господа с Небес. Тебе подобает песнь Богу. Хвалите Господа с Небес, хвалите Его в вышних. Тебе подобает песнь Богу. Хвалите Его, вси Ангели Его, хвалите Его, вся Силы Его. Тебе подобает песнь Богу. Хвалите Его, солнце и луна, хвалите Его, вся звезды и свет. Хвалите Его, небеса небес, и вода, яже превыше небес, да восхвалят имя Господне. Яко Той рече, и быша, Той повеле, и создашася. Постави я в век и в

5 мая 2026. Вторник. Прп. Феодор Сикеот.

век века, повеление положи, и не мимо идет. Хвалите Господа от земли, змиеве и вся бездны, огонь, град, снег, голоть, дух бурен, творящая слово Его, горы и вси холми, древа плодоносна и вси кедри, зверие и вси скоти, гади и птицы пернаты, царие земстии и вси людие, князи и вси судии земстии, юноши и девы, старцы с юнотами да восхвалят имя Господне, яко вознесется имя Того Единого. Исповедание Его на земли и на Небеси, и вознесет рог людей Своих. Песнь всем преподобным Его, сыновом Израилевым, людем, приближающимся Ему.

Псалом 149

Вспойте Господеву песнь нову, хваление Его в церкви преподобных. Да возвеселится Израиль о сотворшем его, и сынове Сиони возрадуются о Царе своем. Да восхвалят имя Его в лице, в тимпанах и псалтири да поют Ему. Яко благоволит Господь в людех Своих и вознесет короткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остры в руках их: сотворити отмщение во языцех, обличения в людех, связати цари их пути, и славы их ручными оковы железными.

На 6: Сотворити в них суд написан, слава сия будет всем преподобным Его.

Хвалите Бога во святых Его, хвалите Его во утверждении силы Его.

Вторник 4-й седмицы по Пасхе на 4, глас 3

Канонарх: На 4: Хвалите Его на силах Его.

Лик: хвалите Его по множеству величества Его.

Глас 3: Поведаша вся чудеса стражие Твои Господи:/ но собор суеты исполни мздою десницу их,/ скрыти мняше Воскресение Твое, // еже мир славит: помилуй нас.

Канонарх: Хвалите Его во гласе трубнем.

Лик: хвалите Его во псалтири и гуслах.

Поведаша вся чудеса стражие Твои Господи:/ но собор суеты исполни мздою десницу их,/ скрыти мняше Воскресение Твое, // еже мир славит: помилуй нас.

5 мая 2026. Вторник. Прп. Феодор Сикеот.

Канонарх: Хвалите Его в тимпáne и лице.

Лик: хвалите Его во струнах и органе.

Разсеянный мой ум собери Господи,/ и оледеневшее сердце мое очисти,/ яко Петру дай мне покаяние,/ яко мытарю воздыхание,/ и яко блуднице слезы,/ да велиим гласом зываю Ти:/ Боже, спаси мя,// яко един Благоутробен и Человеколюбец.

Канонарх: Хвалите Его в кимвáлах доброгласных, хвалите Его в кимвáлах восклицания.

Лик: Всякое дыхание да хвалит Господа.

Царей и мучителей страх отринуша Христовы воины,/ и благодарзновенно и мужески Того исповедаша всех Господа Бога, и Царя нашего:// и молятся непрестанно о душах наших.

Слава и ныне, глас 8. Слава Отцу, и Сыну, и Святому Духу.

Лик: И ныне, и присно, и во веки веков. Аминь.

Господи, ослабленного не купель исцели,/ но Твое слово обнови,/ и ниже многолетний запят ему недуг:/ яко гласа Твоего скорейшее действие показася,/ и неудобноносимую тяжесть отверже,/ и бремя одра понесе,// во свидетельство множества щедрот Твоих, слава Тебе.

Стихиры на стиховне

Вторник 4-й седмицы по Пасхе на 3

Канонарх: Глас 3. Явися ослабленным удесем слово Твое.

5 мая 2026. Вторник. Прп. Феодор Сикеот.

Яв́ися разсла́бленным удесём сло́во Твоё,/ якоже связание
Живонóсное,/ животво́рче мо́й Сло́ве,/ егóже свидéтель-
ство, па́че надéжди одра́ взят́ие:/ егóже повелён ношáше,//
слежáв на нём на мно́зе.

Стих: Мíлости Твоя́ Го́споди./

во вéк воспою́.

Ра́дуясь исполня́ет повелéние разсла́бленный,/ Твоея́ все-
си́льныя Влады́чния крéпости,/ и о́др сво́й нося́ хождáше,/ и
свидéтельствуя взывáше:// исцели́вый сиé мнé творíти по-
велева́ет.

Стих: Яко рéкл еси́./

в вéк мíлость созíждется.

В лéтех мно́гих и временéх слежáй,/ помíлуй мя, зовёт раз-
сла́бленный удесы́,/ Свободíтелю Христé, связа́на недо-
умéнием,// и Спа́с о́др взят́и повелева́ше, стягну́в ўды.

Слава и ныне, глас 5. Сла́ва Отцу́, и Сы́ну, и Свято́му Ду́ху.

и ны́не, и прíсно, и во ве́ки веко́в. Ами́нь.

При О́вчей купéли, человек лежáше в немо́щи,/ и ви́дев Тя́
Го́споди, вопия́ше:/ челове́ка не íмам, да егда́ возмутíтся
вода́, ввер́жет мя́ в ню́./ Егда́ же прихожду́, ин предваря́ет
мя́,/ и приéмлет исцелéние, аз же немощствую́яй лежу́./ И
а́бие умилосéрдився Спа́с глаго́лет к нему́:/ тебе́ ра́ди Чело-
вёк бы́х,/ тебе́ ра́ди в плóть облекóхся, и глаго́леши чело-
вёка не íмам./ Возми́ о́др тво́й и ходи́./ Вся́ Тебе́ возмо́жна,

5 мая 2026. Вторник. Прп. Феодор Сикеот.

вся послушают, вся повинуются,/ всех нас помяни, и помилуй Святый, // яко Человеколюбец.

Тропари в конец Утрени

Тропарь воскресный

Глас 3: Да веселятся небесная,/ да радуются земная,/ яко сотвори державу/ мущею Своєю Господь,/ попра смертью смерть,/ первенец мертвых бысть;/ из чрева адова избави нас, // и подаде миру велию милость.

Слава Отцу, и Сыну, и Святому Духу.

Тропарь прп. Феодора Сикеота

Глас 2: Познан быв от пелен освящен/ и явлься благодатей исполнен,/ чудесы мир озарил еси/ и демонов множество отгнал еси,/ священнодетелю Феодоре, // темже о нас молися Господеви.

И ныне, и присно, и во веки веков. Аминь.

Глас 2: Вся паче смысла,/ вся преславная Твоя, Богородице, таинства,/ чистоте запечатанной и девству храниму,/ Мати позналася еси неложна,/ Бога рождши Истиннаго. // Того моли спасти души наши.

1-й час

Тропарь воскресный, глас 3

Да веселятся небесная, / да радуются земная, / яко сотвори державу / мущею Своєю Господь, / попра смертью смерть, / первенец мертвых бысть; / из чрева адова избави нас, / и подаде миру велию милость.

Слава Отцу, и Сыну, и Святому Духу.

5 мая 2026. Вторник. Прп. Феодор Сикеот.

Тропарь прп. Феодора Сикеота, глас 2

Познан быв от пелен освящен / и явлься благодатей исполнен, / чудесы мир озарил еси / и демонов множество отгнал еси, / священнодетелю Феодоре, / темже о нас молися Господеви.

Кондак в Неделю о разслабленном, глас 3

Душу мою, Господи, во гресех всяческих, / и безместными деяньми люте разслаблену, / воздвигни Божественным Твоим предстательством, / якоже и разслабленнаго воздвигл еси древле, / да зову Ти, спасаемь: / Щедрый, слава Христе, державе Твоей.

Лик: Глас 8: Аще и во гроб снишел еси Безсмертне, / но адову разрушил еси силу, и воскресл еси яко победитель Христе Боже, / женам мироносицам вещавый, радуйтесь: / и Твоим апостолом мир даруяй, // падшим подай воскресение.